

## Z A P I S N I K

sa VIII elektronske sjednice Vijeća Građevinskog fakulteta Univerziteta u Sarajevu, održane dana 10.06.2020. godine, sa periodom izjašnjavanja od 09.00 do 12.00 sati.

### Članovi Vijeća Građevinskog fakulteta (pozvani putem e-maila):

#### Nastavnici i saradnici:

Dolarević dr. Samir, Pozder dr. Mirza, Hrasnica dr. Mustafa, Simonović dr. Goran, Ilić-Georgijević dr. Emil, Imamović dr. Ismar, Topoljak dr. Jusuf, Vrce dr. Esad, Mulić dr. Medžida, Čerimagić dr. Đenari, Šuvalija dr. Suvada, Kurtović dr. Azra, Džebo dr. Suada, Medić dr. Senad, Milišić dr. Hata, Omićević dr. Džanina, Mešić dr. Esad, Hadžić dr. Emina, Skejić dr. Adis, Albinović dr. Sanjin, Serdarević dr. Amra, Tuno dr. Nedim, Ademović dr. Naida, Milašinović dr. Zoran, Mulahusić dr. Admir, Ibrahimbegović dr. Adnan, Balić dr. Anis, Hadžalić dr. Emina, Karavelić dr. Emir, Ljevo dr. Žanasa, Hajdo dr. Emina, Kalajdžisalihović dr. Haris.

Nedim Kulo (G), Džubur Alma (H), Mladen Kapor (Kat.za geol.), Medić Jelena (K), Šarić Ammar (S), Suljević Samir (K), Lazović Nerma (H), Damir Hasanspahić (Mat.), Krdžalić Dževad (G).

Studenti: Adelisa Subašić, Izet Nanić, Damir Tahirović

Ostali prisutni (obavješteni putem e-maila): Sabina Bajrić, sekretar fakulteta

Elektronska sjednica je započela u 09.00 sati.

Sjednicom Vijeća je predsjedavao prof.dr. Samir Dolarević, dekan Građevinskog fakulteta na osnovu čije saglasnosti, a u skladu sa obavezom poštivanja svih mjera Kriznog stožera Federalnog ministarstva zdravstva i Vlade Federacije BiH, u cilju sprječavanja i kontrole epidemije izazvane novim koronavirusom (COVID-19), je članovima Vijeća putem e-maila dostavljen Poziv za održavanje VIII sjednice – elektronske – zakazane za 10.06.2020. godine sa naznakom termina izjašnjavanja u terminu od 09.00 do 12.00 sati.

Od ukupno 44 člana Vijeća Građevinskog fakulteta u utvrđenom terminu glasanja glasanju je pristupilo 39 članova Vijeća, a 5 člana Vijeća se nisu izjasnili: Ibrahimbegović dr. Adnan, Mulahusić dr. Admir, Tuno dr. Nedim, Adelisa Subašić (studentica), Izet Nanić (student).

Na prijedlog dekana usvojen je sljedeći:

### DNEVNI RED:

- I Usvajanje Zapisnika sa VII sjednice Vijeća Građevinskog fakulteta, održane 12.05.2020. godine;
- II Utvrđivanje načina i modela održavanja ispita i nastave u online režimu i/ili u prostorijama Građevinskog fakulteta u skladu sa Zaključcima Senata Univerziteta u Sarajevu od 04.06.2020. godine;
- III Utvrđivanje Plana pokrivanja (realizacije) nastave I i II ciklusa u školskoj 2020./2021. godini;
- IV Utvrđivanje prijedloga za raspisivanje konkursa za izbor / napredovanje u naučnonastavno zvanja: vanredni profesor za naučnu oblast „Geodezija i geoinformatika“ – jedan izvršilac sa punim radnim vremenom;
- V Donošenje Odluke o davanju saglasnosti na prijedlogu IG Banja Luka po pitanju izvršenja Presude Okružnog privrednog suda u Banja Luci u dijelu isplate glavnog duga i troškova postupka, bez obračunavanja zakonskih zateznih kamata;
- VI Izvještaj Odbora za osiguranje kvaliteta o rezultatima provođenja postupka evaluacije rada nastavnika i saradnika.
- VII Izvještaj Komisije za ocjenu i odbranu završnog rada na drugom ciklusu studija studentice Adnane Hodžić.

Ad//

Članovi Vijeća su putem e-mail korespondencije pozvani da se izjasne o Zapisniku sa VII sjednice Vijeća Građevinskog fakulteta, održane 12.05.2020. godine.

Na Zapisnik sa VII sjednice Vijeća Građevinskog fakulteta, održane 12.05.2020. godine nije bilo primjedbi, te je isti jednoglasno usvojen.

Ad/II

Jednoglasno su donesena sljedeća:

## O D L U K A

I

Utvrđuje se da će se nastava i konsultacije na studijskim programima na Građevinskom fakultetu Univerziteta u Sarajevu u akademskoj 2019./2020. godini završiti u on line režimu, zaključno sa 12.06.2020. godine.

II

Utvrđuje se da će se ispiti u utvrđenim ispitnim rokovima održati u on line režimu ili u odgovarajućim prostorijama Građevinskog fakulteta Univerziteta u Sarajevu, a u skladu sa prihvaćenim pojedinačnim procjenama predmetnih odgovornih nastavnika.

III

Održavanje ispita u prostorijama Građevinskog fakulteta Univerziteta u Sarajevu će biti organizovano uz poštivanje obavezne propisane fizičke distance od najmanje 2 metra između osoba. Građevinski fakultet Univerziteta u Sarajevu će, u skladu sa svojim mogućnostima, voditi računa i o propisanoj fizičkoj distanci od najmanje 2 metra između osoba i u pristupnim prostorima (holovi, hodnici i sanitarni čvorovi).

IV

Za realizaciju ove Odluke zadužuju se rukovodioci odsjeka i katedri i prodekan za nastavnonaučni rad.

Ad/III

Jednoglasno je donesena sljedeća:

## O D L U K A

I

Utvrđuje se Plan realizacije nastave prvog (I) i drugog (II) ciklusa studijskog programa građevinarstva i studijskog programa geodezije i geoinformatike na Građevinskom fakultetu Univerziteta u Sarajevu za akademsku 2020./2021. godinu, koji je sastavni dio ove Odluke.

II

Za realizaciju ove Odluke zadužuju se rukovodioci odsjeka i katedri i prodekan za nastavnonaučni rad.

Ad/IV

Jednoglasno je donesena sljedeća:

## O D L U K A

### o raspisivanju konkursa

I

Utvrđuje se prijedlog za raspisivanje konkursa za izbor/napredovanje u naučnonastavno zvanje: vanredni profesor za naučnu oblast "Geodezija i geoinformatika" – jedan izvršilac sa punim radnim vremenom;

Uvjeti za izbor:

Kandidati za izbor u naučnonastavno zvanje vanredni profesor treba da ispunjavaju opće zakonske uvjete i minimalne uvjete za izbor u naučnonastavno zvanje vanredni profesor utvrđene članom 96. Zakona o visokom obrazovanju ("Službene novine Kantona Sarajevo", broj: 33/17.) i članom 194 Statuta Univerziteta u Sarajevu:

- proveden najmanje jedan izborni period u zvanju docenta, najmanje pet naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te uspješno završeno mentorstvo najmanje jednom kandidatu za stepen drugog ciklusa studija odnosno reformiranog/integriranog studija;

Pored općih zakonskih i minimalnih uvjeta za izbor u naučnonastavno zvanje vanredni profesor utvrđenih članom 96. Zakona o visokom obrazovanju ("Službene novine Kantona Sarajevo", broj: 33/17.) i člana 194 Statuta Univerziteta u Sarajevu, kandidati trebaju da isunjavaju i sljedeće uvjete:

- diplomirani inženjer geodezije, odnosno magistar geodezije sa 300 ECTS bodova, naučni stepen doktora nauka iz oblasti za koju se prijavljuje,

Uz prijavu kandidati obavezno dostavljaju: biografiju (CV), uvjerenje o državljanstvu, diplome o stečenom obrazovanju, kao i druge dokaze o ispunjavanju uvjeta za izbor u naučnonastavno zvanje vanredni profesor za koje se prijavljuju.

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo i u Statutu Univerziteta u Sarajevu.

Ugovor o radu će se zaključiti sa kandidatom izabranim u naučnonastavno zvanje.

## II

Odluku dostaviti na saglasnost Senatu Univerziteta u Sarajevu.

Ad/V

Jednoglasno je donesena sljedeća:

### ODLUKA

#### I

Daje se saglasnost Institutu za građevinarstvo »IG« d.o.o. Banja Luka da u roku od **15 dana** od dana donošenja ove Odluke, u postupku izvršenja Presude Okružnog privrednog suda u Banja Luci br. 57 0 Ps 124757 17 Ps od 23.04.2020. godine po osnovu dugovanja prema Građevinskom fakultetu Univerziteta u Sarajevu, izvrši plaćanje glavnog duga i troškova postupka u iznosima utvrđenim navedenom Presudom, bez obračunavanja zakonskih zatezних kamata.

#### II

Saglasnost iz tačke I ove Odluke se daje pod uslovom da Institut za građevinarstvo »IG« d.o.o. Banja Luka glavni dug i troškove postupka po Presudi Okružnog privrednog suda u Banja Luci br. 57 0 Ps 124757 17 Ps od 23.04.2020. godine, uplati na račun Građevinskog fakulteta Univerziteta u Sarajevu u roku od 15 dana od dana donošenja ove Odluke i da u istom roku dostavi dokaz o uplati.

#### III

Ukoliko Institut za građevinarstvo »IG« d.o.o. Banja Luka ne izvrši u roku od 15 dana od dana donošenja ove Odluke uplatu glavnog duga i troškova postupka u iznosima utvrđenim Presudi Okružnog privrednog suda u Banja Luci br. 57 0 Ps 124757 17 Ps od 23.04.2020. godine, ova Odluka se stavlja van snage.

U slučaju iz prethodnog stava ove tačke, Institut za građevinarstvo »IG« d.o.o. Banja Luka će biti u skladu sa Presudom Okružnog privrednog suda u Banja Luci br. 57 0 Ps 124757 17 Ps od 23.04.2020. godine, obavezan po osnovu dugovanja prema Građevinskom fakultetu Univerziteta u Sarajevu, izvršiti uplatu glavnog duga, troškova postupka i zakonskih zatezних kamata počev od 03.08.2017. godine do dana isplate.

Ad/VI

Jednoglasno je donesena sljedeća:

### ODLUKA

#### I

Prihvata se Obavijest o evaluaciji provođenja on line nastave i evaluacije rada akademskog osoblja Građevinskog fakulteta Univerziteta u Sarajevu u ljetnom semestru akademske 2019/2020. godine br. 02-4-836/20 od 08.06.2020. godine podnesena od Odbora za osiguranje kvaliteta Građevinskog fakulteta Univerziteta u Sarajevu.

#### II

Nalaže se odsjecima i katedrama da razmotre anketni materijal dostavljen uz Obavijest o evaluaciji provođenja on line nastave i evaluacije rada akademskog osoblja Građevinskog fakulteta Univerziteta u Sarajevu u ljetnom semestru akademske 2019/2020. godine br. 02-4-836/20 od 08.06.2020. godine,

sa pozitivnim i negativnim komentarima studenata koji su učestvovali u anketi, rezultatima provedenog postupka evaluacije provođenja on line nastave i evaluacija rada nastavnika i saradnika Građevinskog fakulteta Univerziteta u Sarajevu, u ljetnom semestru akademske 2019./2020. godine i donesu zaključke i mjere za otklanjanje uočenih nedostataka u cilju poboljšanje kvaliteta nastave na Građevinskom fakultetu Univerziteta u Sarajevu, koji će pomoći pri organizaciji online nastave u nekim budućim postupanjima,.

Ad/VII

Jednoglasno je donesena sljedeća:

## O D L U K A

I

Usvaja se Izvještaj Komisije za ocjenu i odbranu završnog rada II (drugog) ciklusa studijskog programa građevinarstva smjer konstrukcije pod naslovom "Energetska učinkovitost – koncept i metodologija", zaveden pod brojem: 06-2-809-1/20 od 08.06.2020.godine.

II

Prihvata se završni rad studentice Adnane Hodžić pod naslovom "Energetska učinkovitost – koncept i metodologija" i odobrava odbrana završnog rada.


III

Odbrana završnog rada održat će se dana 22.06.2020. godine, sa početkom u 11.00 sati na Građevinskom fakultetu Univerziteta u Sarajevu.

Izjašnjavanja članova Vijeća Građevinskog fakulteta Univerziteta u Sarajevu su sastavni dio ovog Zapisnika.

Zapisnik vodila:

Sabina Bajrić, dipl. pravnik



02-4-817-1/20

11. 6. 2020

DEKAN

Prof.dr. Samir Dolarević, dipl.ing.građ.

